

懷仁縣志卷之九

人物

宣聖起而闕里榮亞聖生而鄒嶧顯名區勝地每借奇人偉士之休光而其美愈彰懷仁雖僻在邊陲較十室之邑而尙大其品節可風行爲可採者實有其人志以徵信如其善小而遂忽之斯已故隘其勸免之量未若擇其可傳者即傳之可得體焉前代賢哲姓字事跡無據可考亦不必牽強援引致滋稽古之疑從闕可也近有孝義節烈訪求列序如左斯不徒爲表揚潛德幽芳之具而觀風問俗亦庶幾得所助云

孝友

宋文福原籍復州開邊後移家於小恩堡在縣城東距城八十里幼以孝稱終身不懈父病日夜侍奉湯藥衣不解帶者累月父死視含視殮事事盡心哀毀幾絕母晚年衰病不能轉側飲食需人文福扶持左右須臾無

懷仁縣志

卷九

四十六

間者十二年母歿哀過甚嘔血數升杖而後起殯後每食往獻含飯而泣對天呼號常以欲養難留爲憾兄早亡姪延信幼躬親撫養至於成立田福升內務府鑲黃旗人母早喪父業醫暮年失明福升亦習醫於光緒二十九年奉父由省城西巨遼河界遷至普樂保居住家道赤貧事父至孝養志承意始終不懈任自己缺餐而奉親甘旨未嘗稍輟光緒三十二年福升父田明成已七十一歲以病故哀殮盡誠葬畢寤益甚福升初不計此築室墓側朝夕不離事必稟而後行飯必祭而後食一同生前毫無怠慢三年守二戶未嘗一日至家所謂事死如事生事亡如事存者此也曾經紳董宋紹賓楊占春等先後聯名稟陳懇轉詳請旌表以彰孝行縣署有案可查即照原稟事實列入

王盛齡與兄盛福與光緒初年奉母來縣城南四十里豐樂保居焉耕於馬鹿山下光緒三十年冬令夜間有賊六人闖入院中盛福先覺起呼賊

戕之盛齡驚起目之兄死憤極亡生櫻賊之鋒奪刀與鬪相持一更有與時分斃賊一名旋又有賊一名受傷餘者逃匿深雪中盛齡趨縣報案乘間突起逃去盛福每從暗中窺見未敢聲張恐遭毒手未幾縣差捕獲一賊名陸克勝供指鬪死者名潘士明實與同夥陸克勝正法案結後盛齡入山伐木遇豹持斧劈之豹撲爪傷其足盛齡力劈之豹額破而斃其氣壯如此斯亦正氣所感默默中自有呵護耳

論曰孝友出乎天性不假學問而能故文人學士孝友之道或有時而僞而愚夫愚婦之作爲任天而動初無所或僞然平日禮教所酒濡亦於此可見化得其本其斯之謂歟傳曰上老老而民興孝上長長而民興弟善夫

烈女

朱璫芝熙和保農家女也九歲許唐福生爲寶後因家道寒微無力迎娶

懷仁縣志

卷九

四十七

是以期逾標梅尙未行合巹禮適逢其婿患瘵疾女母藉此有悔婚心女偵知之不悅隱然留意不動聲色迨婿病篤女母謀另配已顯然有証女矢志不從年餘婿病故女年二十一歲聞耗欲往守節女母不許乘母往弔之時號泣廢食母歸問之不敢以實答聞婿殯後女忽言曰薄命如此何以生爲遂仰藥自殞光緒二十三年縣尊王順存聞其事爲之請

旌且額其門曰眞節可風

論曰昔劉向作烈女傳凡才藝德行皆書之示勸也後世史家專取節烈者書之雖明義較嚴表彰遏隘非是不足以維持風教而示旌別此地遠處偏隅設官未久民自外鄉來此居斯土者甚少並窮鄉僻壤事不易聞是以柏舟矢節固亦有人非風聲未樹苦於湮沒即格於年例不得致請三十年來僅得一烈女焉

老壽

宋文福錫康保小恩堡人也有孝行壽九十餘精神步履猶健如壯年
姜元青周親保羅圈溝人年至百歲光緒三年四月初十日忽喚集兒孫
示以家事一 一清楚無疾而終

論曰人生七十已稱古稀耄耋期頤益登上壽文有引義之典桓有敬
老之詞周之枉下宋之希夷載在史冊光昭千古矣鄉曲之間黃耇可
徵皆屬人瑞精神毓於山川姓字朽於草木斯亦筆載之疏歟

懷仁縣志卷之九終